



論地師伽瑜

刊專學修

附錄

《瑜伽師地論》修學專刊

目 錄

- 1、最無能勝慈氏菩薩贊 (釋聖地)
- 2、《瑜伽師地論》之傳譯及論疏 (釋聖地)
- 3、唐玄奘大師與《瑜伽》大論 (釋聖地)
- 4、《瑜伽師地論》釋 (最勝子)
- 5、《瑜伽師地論》叙 (歐陽竟無)
- 6、《瑜伽師地論》披尋記叙 (韓清淨)
- 7、慈氏菩薩與《瑜伽》大論 (釋聖地)
- 8、釋迦教法、奘譯大藏經與《瑜伽》大論 (釋聖地)

- 9、我心中的《瑜伽》大論（釋聖地）
- 10、我心中的玄奘大師（釋聖地）
- 11、奘師法脉滅興之文化背景初探（釋聖地）
- 12、《瑜伽》大論導讀（釋聖地）

最無能勝慈氏菩薩贊

釋聖地造

極善清淨無漏界，甚深廣大無量數。相好莊嚴四清淨，乃至一切種妙智，百四十種不共法。無量功德衆莊嚴，超過一切如來住，無上妙極安隱地，由此依此能建立，一切一切一切善。世出世間一切善，二乘大乘一切乘，諸乘一切勝善法，最極殊勝菩薩地。深廣智慧為導首，大悲無倦久熏習，勤勇無間正加行，無量福慧極圓滿，直至最上成滿住。一切勝善我頂禮。今欲少言興贊禮，本師釋迦之嫡子，當來下生彌勒佛，最無能勝慈氏尊。欲令遺法諸佛子，於尊能生最勝心，最極恭敬禮贊供，信欲發心事慈尊。由此因緣升兜率，親聆慈尊相應教，積集善根正加行，隨尊下生證無生。最無能勝大慈尊，慈眼等視諸衆生。本性仁賢慧聰敏，種性地具大慈心。

初發大心哀愍衆，誓願窮際不食肉，并誓成佛制此戒，以此因緣名慈氏。
無量劫來正加行，多於本師作助伴。或為兄弟護法王，或共出家成法侶，
或為弟子本師化，亦常為師化世尊。本師大悲堅牢固，勇猛精進無有等。
慈尊大慈遍法界，方便善巧無能勝。二尊同願并同行，妙契相應無有比。
互相增上成佛道，黃金助伴利有情，各顯佛道最殊勝，共表法界極圓滿。
本師悲願極深重，願取五濁成正覺，勇猛無畏化剛強，精進無倦度劣根，
勤勇無間殷重行，超多大劫先成佛，為化剛強劣根衆，起善方便轉法輪。
慈尊為助本師化，轉生同來為弟子，但為勸化此界衆，贊嘆精進大悲心，
為顯世尊無等德，極贊本師超慈尊。慈尊非無大精進，唯勤悲心現後進，
其中密意應了知，慈尊更有無等智。慈尊大慈似滿月，圓淨光法令神清，
深廣妙智如朝霞，才出暗滅令心明。慈尊本于十劫前，隨時能取等正覺，
但為悲愍諸含識，留惑不盡不取證。本師勤悲極猛利，劣根愚夫亦能知；

慈尊慧慈甚微妙，上首羅漢未能曉。本師立教成方圓，慈尊助化破執著；
本師哀愍其姨母，不受所供憍世衣，慈尊同为哀愍故，即受所供憍世衣。
本師主化现头陀，精进勇猛丈夫行。慈尊助化现童子，善巧方便智慧行。
慈尊于师极恭敬，正行供养事世尊，承事瞻礼无暂离，常为众生善请问，
一切大会恒随逐，常同文殊共请问。为显法界甚深智，文殊师利让上首，
非是慈尊不具足，但为独显利众生。慈尊广大微妙智，表法独到无能胜。
五浊恶世众难化，黄金助伴有默契。但为圆满教化事，教化本师遗法众，
慈尊因地誓大愿，继释迦后方成佛。二尊合显法界圆，二佛共成教化满。
法界微妙难思议，二佛共化更奇妙。若非甚奇甚微妙，劣根刚强不能度。
二佛共化甚希有，如是助伴鲜有等，为化五浊恶世众，二尊发心即策划；
悲愿深切极广大，勤智猛利无限量；本师释迦牟尼佛，犹如开荒植种者，
当来下生弥勒尊，犹如耕耘收获者；二尊同愿共发心，共成娑婆佛化事。

一切赞叹释迦佛，亦当赞叹慈氏尊；一切赞叹释迦佛，亦即赞叹慈氏尊。释迦慈氏本无二，为化刚强显有二。释迦慈氏一脉承，为度群迷显殊异。本师正法欲灭时，慈氏即下宣大论；结集世尊了义教，显了究竟妙宣说，於其无胜妙法海，引出最胜法甘露，等注无穷字华雨，荣润牟尼如意树。此论殊胜若莲华，犹妙宝藏如大海，具显诸乘广大义，善释其文无有遗，理事无不穷尽通，文义无不释诠透，疑执无不遣破尽，行果无不修证满。瑜伽师地大论出，本师正法得久住，慈尊悲智若涌泉，无竭无尽润识田。慈尊悲愿极广大，本师遗法之弟子，慈尊一切皆摄受，令于龙华证无生。南无本师释迦佛！南无无胜慈氏尊！南无无上真妙法！南无瑜伽师地论！无胜德海真无际，圣德神功实难量，我今慧浅喻毛滴，欲赞无胜功德海，望洋兴叹由斯止。然赞意乐无有止。赞其慈心若大云，赞叹妙智如虚空。赞其功德等世尊，赞叹方便更独胜。赞其利行若密友，赞叹教化最显明。

赞其微妙若无形，赞叹常行无相行。赞其法施妙无极，赞叹助伴影随身。
如是赞叹无有尽，只恨智劣辱慈尊。我今赞叹无胜海，所有胜福皆回向，
普愿一切诸众生，信欲发心事慈尊，上升兜率聆尊教，下生龙华证无生。

《瑜伽师地论》之传译及论疏

释圣地撰

●佛灭度九百岁，圣无著菩萨证发光定具大神通，亲上睹使多天（即兜率天）承事慈氏菩萨，敬请慈氏菩萨降下人间，宣说《瑜伽师地论》，圣无著菩萨记其所述，传于后世。

●唐玄奘大师，九死一生赴印度求法，历时一十七载，唯为求取瑜伽大论，投师戒贤和尚门下，得瑜伽大论之真传，通达后回国，翻译此大论。《瑜伽师地论》由此传之中土。

●玄奘大师随译随述，将大论要旨精义传与弟子，其门下著有《瑜伽论记》、《瑜伽

论略纂》等关于瑜伽大论之注疏，传至今世。

●近代韩公清净居士于瑜伽大论用心研习三万余小时，著有《瑜伽师地论科句披寻记》以资瑜伽大论之研习。

唐玄奘大师与《瑜伽师地论》

释圣地撰

●奘师幼年出家，宿根丰厚，天资聪慧，遍参国内诸师，虽于诸师所传皆能知晓，但于佛陀教法『百有余疴』不得通途，遂发心前往佛陀教法发源地印度，求取佛陀教法真实义。

●奘师于长安会遇一印度那烂陀寺僧人，得知印度那烂陀寺现有慈氏菩萨所说之《十七地论》（即瑜伽大论）一百卷。而汉地仅有真谛法师所译其中三卷。虑及因法宝不全，而致中土诸师所解各异，遂更坚定其西行取经之信心及目标。奘师上书西行计划虽未获准，然其舍身求法之愿真切不移。师趁荒年孤身又影偷渡出境，唯为求取《瑜伽师地论》。

●奘师游历五印度，如同华严善财童子一般遍参诸学。虽与一切明处皆潜心修学，

但其始终留心在《瑜伽师地论》。未求取瑜伽大论死不瞑目，未能通达瑜伽大论终不安心。

● 奘师历经三年艰辛，终至那烂陀寺。初参正法藏戒贤和尚第一句话即言：弟子玄奘从东土大唐而来，唯为依止和尚学习《瑜伽师地论》，请和尚慈悲摄受。于是戒贤和尚亲授《瑜伽师地论》与奘师，历经三遍，历时五载。奘师于大论通达无碍后，即告别师友回国。

● 奘师回国后得到唐太宗李世民的护持，随即开始翻译经论。首译者即为《瑜伽师地论》和以此大论为中心的翼丛经论。待瑜伽大论翻译完毕，即请太宗皇帝为之作圣教序，以资弘传大论。唐太宗崇信大师，即令抄写九部大论，以传九洲，令天下有缘人皆能学习。

瑜伽师地论释

最胜子等诸菩萨造

唐三藏法师玄奘奉 诏译

本地分中五识相应地之一

敬礼天人大觉尊 福德智能皆圆满 无上文义真妙法 正知受学圣贤众

稽首无胜大慈氏 普为利乐诸有情 广采众经真要义 略说五分瑜伽者

归命法流妙定力 发起无着功德名 能于圣者无胜海 引出最极法甘露

餐受美音自满足 复为饶益诸世间 等注无穷字华雨 荣润牟尼如意树

此论殊胜若莲花 犹妙宝藏如大海 具显诸乘广大义 善释其文无有遗

于此瑜伽大论中 我今随力释少分 为令正法常无尽 利益安乐诸含识

今说此论，所为云何？谓有二缘故说此论。一为如来无上法教久住世故；二为平等

利益安乐诸有情故。复有二缘故说此论。一为如来甘露圣教已隐没者，忆念采集重

开显故，未隐没者，问答决择倍兴盛故。二为一切有情界中有种姓者，各依自乘修出世善，得三乘果，出生死故；无种姓者，依人天乘，修世间善，得人天果，脱恶趣故。复有二缘故说此论。一者或有于多说空不了义经，如言计着拨无一切，憎背有教，为令随悟诸法有相，解经密意舍无见故。二者复有于多说有不了义经，如言计着执有一切，厌怖空教，为令随悟诸法无相，解经密意舍有见故。复有二缘故说此论。一为成就菩萨种姓补特伽罗，唯依大教，遍于诸乘文义行果，生巧便智，断一切障，修一切善，证佛菩提，穷未来际，自他利乐无休废故。二为成就二乘种姓，及无种姓补特伽罗，亦依大教，各于自乘文义行果，生巧便智，断烦恼障，伏诸盖缠，修自分善，得自乘果，出离三界诸恶趣故。复有二缘故说此论。一者或有宿习，无知犹豫颠倒，执着外道小乘邪教，故于大乘不能信解；为善分别大乘法相，令其信解了达，决定离颠倒故。二者复有闻诸契经种种意趣甚深难解，其心迷乱诽谤不信，为善开示令生信解，饶益彼故。复有二缘故说此论。一为摄益乐略言论勤修行

者，采集众经广要法义，略分别故。二为摄益乐广言论勤说法者，于一一法，开示无边差别义故。复有二缘故说此论。一为开显诸法实相，问答抉择立正论故。二为灭除一切妄执，问答抉择破邪论故。复有二缘故说此论。一为显了遍计所执情有理无，依他起性、圆成实性理有情无，令舍增益损减执故。二为显了世间道理，证得胜义法门差别，令修二谛无倒解故。复有二缘故说此论。一为开阐随转真实二种理门，令知二藏三藏法教不相违故。二为开阐因缘唯识无相真如四种理门，令修观行有差别故。复有二缘故说此论。一为示现境界差别，令知诸法自性相状位差别故。二为示现修行差别，令知三乘方便根本果差别故。如是等类所为诸缘，处处经论种种异说，当知皆是此论所为。

今说此论所因云何？谓诸有情无始时来，于一切法处中实相，无知疑惑颠倒僻执，起诸烦恼，发有漏业，轮回五趣，受三大苦。如来出世，随其所宜，方便为说种种妙法处中实相，令诸有情知一切法，如是如是空故非有，如是如有故非空，了达

诸法非空非有，远离疑惑颠倒僻执，随其种姓，起处中行，渐次修满，随其所应，永灭诸障，得三菩提，证寂灭乐。佛涅槃后，魔事纷起，部执竞兴，多着有见。龙猛菩萨证极喜地，采集大乘无相空教，造中论等，究畅真要，除彼有见；圣提婆等诸大论师，造百论等，弘阐大义。由是众生，复着空见。无着菩萨位登初地，证法光定，得大神通，事大慈尊，请说此论。理无不穷，事无不尽，文无不释，义无不诠，疑无不遣，执无不破，行无不修，果无不证。正为菩萨，令于诸乘境行果等，皆得善巧，勤修大行，证大菩提，广为有情，常无倒说，兼为余乘，令依自法，修自分行，得自果证。如是略说此论所因。

今说瑜伽师地论者，名义云何？谓一切乘境行果等所有诸法，皆名瑜伽，一切并有方便善巧相应义故。境瑜伽者，谓一切境，无颠倒性，不相违性，能随顺性，趣究竟性，与正理教、行果相应故，名瑜伽。此境瑜伽，虽通一切，然诸经论，就相随机，种种异说。或说诸法四种道理，名为瑜伽，观待、作用、法尔、证成，总摄一

切正道理故。或说二十四不相应行中，一名瑜伽，因果相称无乖违故。此二并如决择分等处广说。或说杂染清净无性，名为瑜伽，除违契顺最为胜故。如大梵问契经等说，诸瑜伽师，观无少法可令其生及可令灭，亦无少法欲令证得及欲现观。谓于一切杂染无性瑜伽中行，观无少法可令其生及可令灭；及于一切清净无性瑜伽中行，观无少法欲令证得及欲现观。或说究竟清净真如名为瑜伽，理中最极，一切功德共相应故。如楞伽契经中说，若观真义，除去分别，远离瑕秽，无有能取，亦无所取，无解无缚；尔时在定，当见瑜伽不应疑虑。大义经中，说从一法增至百法，皆名瑜伽，法门虽别，义无违故。广义经中，说蕴界处缘起谛等，皆名瑜伽，摄一切境顺机宜故。于如是等诸经论中，说一切境，皆名瑜伽，总具四性顺四法故。行瑜伽者，谓一切行，更相顺故，称正理故，顺正教故，趣正果故，说名瑜伽。此行瑜伽，虽通诸行，然诸经论，就相随机，种种异说。如辩瑜伽师地经中，正修诸行，说名瑜伽，总摄一切相应行故。月灯经中，修三十七菩提分法，说名瑜伽，此于一